

江陵縣志卷之五

建置二

壇廟

社稷壇 在西門外事物紀原自三代以來社稷爲諸侯命祀秦罷侯置守故諸侯之職歸守令漢始以郡縣祀社稷洪武元年頒壇制於天下郡邑設城西左社右稷十一年定同壇合祭

國朝因之乾隆二年

勅修壇制甃磚爲之縱橫二丈五尺高二尺一寸四出陛

江陵縣志

卷之五

建置

壇廟

一

各三級繚以周垣門北向石主一長二尺五寸方一尺埋於壇南正中神牌二以木爲之臨祭設於壇曰府社之神府稷之神歲春秋仲月上戊日致祭

按共工氏之子曰勾龍能平九州烈山氏之子曰柱能殖百穀顓頊祀勾龍爲后土曰社柱爲稷曰田正虞夏因之商湯遷社祀后稷以代柱鄭元謂社爲五土總神稷爲原隰之神勾龍有水土功故配社棄有播種功故配稷則謂地祇而配以人鬼也書召誥社於新邑孔氏注社稷共牢又封人掌

設王之社壇注云不言稷者舉社則稷從之此分祀合祀古無定制也周唐社主俱用石宋初用神位版合祭別爲大社立石主此石主木主古無定制也無逸篇曰大社唯松東社唯柏南社唯梓西社唯槐陳氏曰後世宋有櫟社豐有枌榆社先儒謂諸侯社皆立樹以象其神大夫以下但各以地之所宜木立之於義或然

風雲雷雨境內山川城隍神壇 在東門外舊在西門外度寸金堤之會築山川二壇扁曰楚望蓋取傳

江陵縣志

卷之五

建置

壇廟

二

所謂江漢沮漳楚之望也洪武二十六年令天下府州縣合祭風雲雷雨配以山川城隍改建南紀門外國朝因之雍正十年移建今所乾隆二年

勅修壇制甃磚爲之縱橫二丈五尺高二尺一寸四出陛各三級繚以周垣門北向設神牌三俱以石爲之高二尺四寸寬六寸座高五寸寬九寸五分中曰風雲雷雨之神左曰境內山川之神右曰城隍之神歲春秋仲月擇吉日致祭

按風師雨師之祀見於周官秦漢隋唐皆有祭天

寶中又增雷師因升風雨雷師爲中祀宋元因之
明洪武閒禮臣奏五嶽五鎮四海西瀆禮秩尊崇
及京師山川皆國家常典非諸侯所得預者其各
省惟祭風雲雷雨及境內山川城隍之神宜共爲
一壇設三神位

先農壇 在公安門外佛華寺旁

國朝雍正五年

勅建乾隆二年

勅修壇制在籍田後甃碑爲之縱橫二丈五尺高二尺一

江陵縣志

卷之五

建置

壇廟

三

寸正北中一室供先農神牌高二尺四寸寬六寸座
高五寸寬九寸五分東房貯祭器農具西房貯藉田
米穀東配房置辦祭品西配房居看守農夫外繚以
垣門南向藉田制四畝九分歲仲春亥日致祭禮畢
耕藉田知府秉耒佐貳執青箱知縣播種耆老一人
牽牛農夫二人扶犁九推九反農夫終畝耕畢官率
老農夫望
關行禮農具赤色牛黑色箱青色籽種以土之所宜八
蜡不別爲壇

國朝雍正十一年

詔有司歲十二月上戊日致祭先嗇司嗇居正位東上餘六神稍後一尺分設左右卽先農壇祀之

厲壇

俗名鬼壇

在北門外歲以清明中元十月朔致祭

按古者於前代帝王諸侯卿大夫之無後者皆列祀典祭法王祭泰厲諸侯祭公厲大夫祭族厲以鬼有所歸乃不爲厲也故歷代因之

乾隆九年正月內奉 文

頒發各壇廟祭文

江陵縣志

卷之五

建置

壇廟

四

維年月日致祭於

社稷之神曰維神奠定九州粒食萬邦分五色以表封圻育三農而蕃稼穡恭承守土肅展明禋時屆仲秋春敬修祀典庶芄芄松柏鞞磐石於無疆翼翼黍苗佐神倉於不匱尙享

致祭於

風雲雷雨山川城隍之神曰惟神贊勸天澤福佑蒼黎佐靈化以流形生成永賴秉氣機而鼓盪溫肅攸宜磅礴高深長保安貞之吉憑依鞏固實資捍衛之

功幸民俗之殷寧仰神靈之庇護恭修歲祀正值良辰敬潔豆籩祇陳牲幣

致祭於

先農之神曰惟神肇興稼穡粒我蒸民頌思文之德克配彼天念率育之功常陳時夏茲當東作咸服先疇洪惟九五之尊歲舉三推之典恭膺守土敢忘民勞謹奉彝章聿修祀事惟願五風十雨嘉祥恆沐於神庥庶幾九穗雙岐上瑞頻書於大有

致祭於

江陵縣志

卷之五

建置

壇廟

五

社稷先農山川之神曰恭膺

詔命撫育羣黎仰體彤廷保赤之誠勤農勸稼俯懷蔀屋資生之本力穡服田令甲爰頒肅舉祈年之典惟寅將事用申守土之忱黍稷惟馨尙冀明昭之受賜來牟率育庶俾豐裕於蓋藏

按壇制頒於天下自洪武始

國朝因之乾隆二年

頒制九年

頒文蓋重禮也其壇制之縱橫石王木主之尺寸先農壇

宇東西房配房周圍繚垣祭日祭文燦然方策中
戊申水後各壇歲祀聿修而圍垣傾圮祠宇概歸
漂沒一牧畜蹂躪地耳其何以妥神靈而佑黎庶
則修復宜亟亟也

文廟

崇聖祠

并見
學校

關帝廟 在南門內相傳爲

帝督荊州故基明洪武二十九年建萬歷時重建

國朝順治七年修雍正十年巡撫王士俊奏請重修並

江陵縣志

卷之五

建置

壇廟

六

建

崇聖祠於後十一年

勅賜乾坤正氣廟額乾隆五十三水後奉

旨動帑一萬六千零重修金碧交輝爲各廟所不及

御題扁額澤安南紀對聯軍府舊開牙授命成仁心皦日

神牌新表額禦災捍患水恬波

頒賜供器鼎爐五件錦幡七件歲春秋二仲及五月十三

日致祭一如

文廟志餘江陵 關廟不啻數十所而馬頭之廟特古南

門之廟特壯馬頭廟有龍竹一竿長六尺許節作龍鱗以半上之朝半畱於廟相傳爲元至正時物則此

廟不始於明矣

來斯行論錢福碑記李白林章張翼飛曹國渠張鵬翮詩載藝文

關聖歷代封贈

建安五年封漢壽亭侯建安二十四年昭烈卽位漢中封前將軍假節鉞景耀三年諡壯繆侯宋崇寧元年諡忠惠公大觀二年封武安王宣和五年加義勇武安王淳熙十四年加封壯繆義勇武安英濟王元天歷元年加顯靈二字明洪武四年加封眞君萬歷

江陵縣志

卷之五

建置 壇廟

七

十年加封協天大帝四十二年又加封三界伏魔大帝神威遠鎮天尊

國朝順治九年加封忠義神武關聖大帝乾隆三十三年加封靈佑二字於忠義神武之下改諡壯繆爲神勇

雍正三年追封

關聖

曾祖光昭公

祖裕昌公

父成忠公

夫人九靈懿德武肅英皇后

長子平竭忠王 次子與顯忠王

部將周倉忠勇公

兩旁從祀

關平 楊儀 荆州刺史

周倉 馬良 荆州參軍

新增

華它 張苞 王甫 張嵩 關興 趙累

江陵縣志

卷之五

建置 壇廟

八

世系

關平娶鎮東將軍女趙氏生子樾世居江陵雍正十年七月奉

旨以樾大宗嫡裔荆州府學貢生朝泰授五經博士奉祀當陽關陵並准世襲乾隆三十六年九月奉

旨以朝泰孫關榜授博士奉祀關廟復准世襲

祀田

乾隆五十六年藩司陳淮撥入石首縣小嶺坊八官洲田捌拾貳畝叁分乾隆五十八年巡撫福寧荆南

道布顏荊州府知府崔龍見署江陵縣知縣魏耀捐
俸買置本邑土地口民田壹百貳拾陸畝湖地壹百
玖拾叁弓

府城隍廟 在縣治西明洪武初建萬歷四十四年
知府胡一鴻重建

國朝康熙四年知府耿拱極修三十九年知府魏勳增
修雍正九年知府周鍾瑄重修乾隆十八年知府葉
仰高捐修乾隆五十二年三月清明日迎神出壇午
時忽火五十三年水後動

江陵縣志

卷之五

建置

壇廟

九

帑修

縣城隍廟 舊在沙市元成宗時建明成化間重建
嘉靖三十三年知縣楊維修

國朝康熙三十年重修乾隆四十四年知縣湯廷芳移
建於城之北門王大巷內五十三年六月水冲知縣
楊界捐募移建於縣

文廟之左

楊維鮑攷碑
記載藝文

按李縉雲城隍記謂祀典無之惟吳越有也然成
都城隍祠李德裕所建張說有祭荊州城隍文杜

牧有祭黃州城隍文則不獨吳越爲然又蕪湖城隍建於吳赤烏二年南齊慕容儼梁武陵王祀城隍神皆書於史又不獨唐而已宋以來其祀遍天下或賜廟額或頒封爵甚或遷就附會各指一人以爲神之姓名如鎮江慶元寧國太平華亭蕪湖等處皆以爲紀信龍興贛袁吉安建昌臨江南康皆以爲灌嬰是也張說祭荊州城隍文曰致和產物助天育人張九齡祭洪州城隍文曰城隍是保甯庶是依楊維修江陵城隍廟記曰明有禮樂以

江陵縣志

卷之五

建置

壇廟

十

維民生幽有鬼神以司民命則古今崇祀之意有在也

三節祠 在府城東南五里明萬歷間工部尙書朱光祚請建

國朝康熙五十四年重修祀明永樂閒征安南死事兵部尙書劉愨節公儁政平知州何忠節公忠嘉靖閒禦倭死事江陰知縣錢忠節公錞

岳宏譽孔自來詩載藝文

禹王廟 在南紀門外卽古息壤地乾隆五十七年知縣楊界監修詳古蹟

文昌祠

在縣治東一在南門外

劉定之文昌帝君贊載藝文

江瀆宮

在沙市宋嘉定六年建

國朝雍正八年重建唐宋會要云天寶六載封江爲廣源公宋康定二年加封爲王陸游入蜀記曰神爲昭靈孚應威惠廣源王蓋四瀆之一最爲典祀之正者宮前有龍井萬歷中龍起於此

江神祠

在御路口乾隆五十四年奉

旨動帑建

龍神祠

在縣治西乾隆四十四年知縣湯廷芳建

江陵縣志

卷之五

建置

壇廟

十一

五十三年動

帑修

火神廟

在縣治東北明崇禎八年建

國朝康熙十一年荆南道王業興修五十年荆南道李會生增修乾隆十二年知府劉士銘重修五十三年水冲五十六年知縣楊界勸紳士捐修

胡在恪碑記載藝文

馬神廟

在城西小雅云吉日維戊旣伯旣禱注謂

伯馬祖也將用馬力以吉日而禱之俗作馬王非

三皇廟

在縣治東南便河橋元成宗時立三皇廟

於府州縣春秋通祀明萬歷閒重建

國朝康熙三十八年修

胡在恪辨
載藝文

東嶽廟 在草市卽古長沙寺基元時寺廢爲廟明成化閒知府李人儀重建萬歷八年修

國朝康熙十九年知府胥遇重修廟中有泉名曰感通詳山川又有天丁力士鐵像一軀俗名鐵道人宋熙寧十年鑄昔寺物也

楚莊王廟 在沙市明嘉靖閒重建

國朝康熙五十九年增修楚詞敘云屈原既放彷徨山

江陵縣志

卷之五

建置

壇廟

十二

澤經歷陵陸見楚有先王廟及公卿祠堂仰觀圖畫因書其壁呵而問之作天問南郢實楚舊都固不止一莊王廟而莊王獨傳豈不以賢哉舊有莊王廟記及倚相碑俱王羲之書並祀楚臣孫叔敖沈尹戌今皆無之設佛像三尊坐莊王於下乾隆二十年荆宜施道來謙鳴遷佛像於後重加修葺始專祀焉

孔克學

釀詩來謙鳴
碑記載藝文

伍子胥廟

志餘定爲
申大夫廟

廟有枯樹庾子山感而成賦

見太平寰宇記

唐劉蛻諭江陵耆老書以爲其廟申包胥之

廟也包胥有復楚之功年代湮遠楚人以子胥嘗封諸申故不謂包胥耳

劉蛻書
載藝文

三閭大夫祠 在北門外三里本觀音院舊基

國朝康熙八年改建十三年燬於火三十四年重建五十七年修拾遺記屈平以忠見斥隱於沅湘披蓁茹草混同禽獸不交世務採柏實以和桂膏用養心神被王逼逐乃赴清冷之水楚人思慕謂之水仙其神遊於天河精靈時降湘浦楚人爲之立祠漢末猶在唐封昭靈侯宋封忠潔侯元封清烈公明始復稱楚

江陵縣志

卷之五

建置

壇廟

十三

三閭大夫屈平氏之神命於五月五日祭之又諸倪

鶴穴亦皆有祠

戴叔倫崔塗孔自來
甘士煒詩載藝文

漢文帝廟 在郡城東北百里貶王黻

漢景帝廟 郢城諸倪化港多有之

劉公祠 在郡城東南五里白雲橋隄上祀漢江陵

令劉昆

國朝康熙間荆南道張惟赤重建詳名宦

胡克敬洪之傑
記載藝文

于公祠 在郡城東十里祀漢廷尉定國

馬伏波廟 在草市祀漢伏波將軍援相傳援征交

趾經此民感其惠立祠祀之後益以伍員范蠡宋郭祥正詩三神鼎立名謂何子胥范蠡馬伏波張拭知江陵以子胥不宜祀於楚遂去之

三義廟 在沙市明萬歷六年荆關工部劉伯淵建四十六年工部朱華盛重建

國朝順治十六年工部張有光修李夢陽論載藝文

諸葛武侯祠 在三義廟中

國朝順治十五年荆關工部孫允恭重修今坍塌江心

乾隆間改建大慈菴後街張拭贊劉仔肩孔自來詩載藝文

江陵縣志

卷之五

建置

壇廟

十四

吳王廟 在倚北湖中祀吳大帝孫權權當白衣既襲後適逢大疫乃盡除荆民租稅拊循之恩或者入人深歟

三公廟 在城東唐江陵尹呂諲以晉杜預羊祜陶侃合祀後人感諲之澤復祀諲於其西明嘉靖四年重建

殷荊州祠 在城西北隅祀荊州刺史仲堪唐張說為荊州長史廣其堂立羊叔子像並祭之張說祭殷仲堪羊叔

子文載藝文

清源君廟 在郡城新東門內神姓趙名昱灌州人
〔方輿勝覽〕昱初從異人學仙隱青城山大業中召爲
嘉州守犍爲潭中有老蛟爲害昱率甲士千人夾江
鼓噪自持刀入水有頃江水盡赤昱左持蛟首右持
刀奮波而出隋大亂隱去不知所終後嘉州江水泛
溢爲害神顯蹟平之星幢羽葆騎白馬從數獵者出
入江波閒當事神其事累封神勇大將軍赤城王宋
眞宗時進今封見皇甫汭志
梁元帝祠 在草市

江陵縣志

卷之五

建置

壇廟

十五

韓文公祠 在沙市唐昌黎伯愈永貞初爲江陵法
曹參軍公正獨立吏民畏愛故祀焉

成公祠 在城內唐天祐中朱全忠奏成汭死於王
事請與杜洪俱立廟祀見冊府元龜

包孝肅廟 在草市東嶽廟內宋龍圖學士拯嘗於
此決疑獄因祀之孔克文學詩載藝文

岳忠武王廟 在嶽廟西公爲荆湖路總管保護上
游有功故祀之孔自來詩載藝文

高王廟一名土廟 在縣治西祀五代南平王季興舊

建於府城隍左歲久頽明嘉靖庚子太守李元陽重建

國朝康熙三十九年增修高文鑑孔文自來詩載藝文

倪將軍廟 在城西五里以可福築城修隄有功故

祀之舊志志餘作福可誤〔楚志〕可福季興壻也築城愆期季興

怒奪其妻可福併力完之高乃盛爲裝奩遣還則功成於一激此城亦可稱夫人城也

蕭公廟 在沙市徐文長云蕭公名伯軒宋末新淦人明封水府通靈廣濟顯應英佑侯孔伯靡曰此廟

江陵縣志

卷之五

建置壇廟

十六

應爲梁蕭愔愔於天監中刺史荊州旱禱天井而龍見雨注水效王尊而江退隄立一莖六穗瑞應嘉禾卽以爲神也而禱祀焉其誰曰不宜

晏公廟 在沙市〔路史〕公名戍仔元爲文錦堂局長登舟尸解立廟明洪武初以其陰翼海運封平浪侯張天覺祠 在城北九里無盡謫荆布田能仁諸寺沙門祀之

白杲廟 在城東北相傳孟忠襄珙之偏裨有惠地方因祀之俗訛作白果廟

廉文正公祠 祀元平章政事荆南行省希憲詳名
宦

湘灝王祠 在太暉觀內祀明湘獻王柏王以讒自
焚死成祖立予諡置祠

遼簡王廟 在城東卽故宮爲之祀明遼簡王植
文明

帝餞遼簡王
詩載藝文

劉太守祠 在沙市明正統閒建祀知府劉永蔣瑤

姚隆並祀知縣張愷又名三賢祠志餘作三賢守祠
無張愷湖廣通志

舊府志俱作劉太守祠
無姚隆又誤增丁寧

江陵縣志

卷之五

建置

壇廟

十七

張文忠公祠 在府治東駐防城內卽公故第也公
當國時有世德慶源祠祀其先世削籍後一第淪爲
傳舍羅雀秣馬喧寂倏忽公曾孫同敞贖歸奉公祠

焉王啓茂孔自
來詩載藝文

徐公祠 在沙市祀明禮部尙書學謨

胡太守祠 在公安門外守名公胄字問欹熹宗末
涖荆值惠邸初封羣孽怙勢極力扞禦民以少寧時
又有魏璫生祠之舉臺檄屢下守置不理或說以禍
福齿然而已噫嘻推其不祠是以有祠

郭公祠 祀明知縣宏化

金公祠 在沙市祀明荆關工部學曾

莽將軍廟 在城北十里祀

國朝鎮守荊州將軍莽吉祿康熙四十二年建

羊子廟 在鶴穴東三十里祀晉太傅羊祜俗作楊

泗誤廟張應宗書羊子

小關廟即鎮寺 在城南總兵鄭四維建乾隆戊申水

祠宇傾圯荆南道布顏參將鄭子龍重修

古關廟 在縣治西